



তারিখ: ১৮ জানুয়ারি, ২০২৫

সংবাদ বিজ্ঞপ্তি

## "জাতীয় বিশ্ববিদ্যালয়ের নতুন আঞ্চলিক কেন্দ্র উদ্বোধন"

জাতীয় বিশ্ববিদ্যালয়ের শিক্ষক, শিক্ষার্থী, কর্মকর্তা ও কর্মচারীদের দুর্ভোগ কমাতে এবং বিশ্ববিদ্যালয়ের প্রশাসনিক কাঠামো শক্তিশালী করার অংশ হিসেবে গতকাল ১৭ জানুয়ারি ২০২৫ শুক্রবার হবিগঞ্জের শায়েস্তাগঞ্জে জাতীয় বিশ্ববিদ্যালয়ের নতুন একটি আঞ্চলিক কেন্দ্র উদ্বোধন করেন বিশ্ববিদ্যালয়ের উপাচার্য অধ্যাপক ড. এ এস এম আমানুল্লাহ। এ কার্যক্রমের অংশ হিসেবে শীঘ্রই কুমিল্লা, ময়মনসিংহ, বগুড়া, ফরিদপুর ও চুয়াডাঙ্গায় জাতীয় বিশ্ববিদ্যালয়ের আঞ্চলিক কেন্দ্র খোলা হবে। নতুন এ ছয়টি আঞ্চলিক কেন্দ্রের কার্যক্রম শুরু হলে বিশ্ববিদ্যালয়টির মোট আঞ্চলিক কেন্দ্রের সংখ্যা দাঁড়াবে ১২-তে।

আঞ্চলিক কেন্দ্র উদ্বোধন শেষে এক সুধী সমাবেশে প্রধান অতিথির বক্তব্যে উপাচার্য অধ্যাপক ড. এ এস এম আমানুল্লাহ বলেন, “২০২৫ সালের ভিতরে বাকি পাঁচটি নতুন আঞ্চলিক কেন্দ্র উদ্বোধন করা হবে। ইতোপূর্বে জাতীয় বিশ্ববিদ্যালয়ের আঞ্চলিক কেন্দ্রগুলোকে শুধুমাত্র পরীক্ষা সংক্রান্ত কাজে ব্যবহার করা হয়েছে কিন্তু এখন থেকে পরীক্ষা সংক্রান্ত কাজ ছাড়াও কলেজ মনিটরিং, শিক্ষক প্রশিক্ষণ এবং এক্সট্রা কারিকুলার অ্যাক্টিভিটিস সম্পর্কিত কাজেও ব্যবহার করা হবে।” তিনি আরও বলেন, “প্রতিটি আঞ্চলিক কেন্দ্রকে এমনভাবে গড়ে তুলার হবে যেন প্রতিটি কেন্দ্র জাতীয় বিশ্ববিদ্যালয়ের আঞ্চলিক হাব হিসেবে কাজ করে।”

হবিগঞ্জ আঞ্চলিক কেন্দ্রের পরিচালক (ভারপ্রাপ্ত) মোঃ আব্দুস সালাম এর সভাপতিত্বে উদ্বোধনী অনুষ্ঠানে অন্যান্যের মধ্যে বক্তব্য দেন হবিগঞ্জ কৃষি বিশ্ববিদ্যালয়ের উপাচার্য অধ্যাপক ড. সৈয়দ সায়েম উদ্দিন আহম্মদ, জাতীয় বিশ্ববিদ্যালয় উপাচার্যের দপ্তরের পরিচালক (ভারপ্রাপ্ত) ও সচিব মোঃ আমিনুল আক্তার, অতিরিক্ত রেজিস্ট্রার ও সচিব-২ মোঃ নজরুল ইসলাম, অভ্যন্তরীণ নিরীক্ষা দপ্তরের পরিচালক (ভারপ্রাপ্ত) মোঃ জসিম উদ্দীন, শারীরিক শিক্ষা ও সংস্কৃতি বিষয়ক দপ্তরের পরিচালক (ভারপ্রাপ্ত) মোহাম্মদ শফিউল করিম, এস্টেট দপ্তরের পরিচালক (ভারপ্রাপ্ত) মুহাম্মদ মোসলেম উদ্দিন, সিলেট আঞ্চলিক কেন্দ্রের পরিচালক (ভারপ্রাপ্ত) মোঃ আবু হোরায়েরা, স্থানীয় কলেজের অধ্যক্ষবৃন্দ, হবিগঞ্জ প্রেস ক্লাবের সভাপতি এবং সুশীল সমাজের প্রতিনিধিবৃন্দ।

বার্তা প্রেরক

মোঃ মোস্তাফিজুর রহমান  
পরিচালক (ভারপ্রাপ্ত)  
জনসংযোগ দপ্তর  
জাতীয় বিশ্ববিদ্যালয়